


沈乃文 主編

明別集叢刊 第二輯

第三十三冊

黃山書社





国家出版基金项目
NATIONAL PUBLICATION FOUNDATION


「十二五」國家重點圖書出版規劃項目
2011—2020年國家古籍整理出版規劃重點項目

沈乃文 主編

明別集叢刊 第二輯

第三十三冊

黃山書社



（明）李濂撰

嵩渚文集一百卷目錄二卷
（卷八十一至卷一百）

明嘉靖刻本

嵩渚文集卷之八十一

鄉賢傳三 四首

山東按察僉事李公傳

僉都御史祝公傳

陝西按察副使劉公傳

福建左布政使張公傳

嵩渚文集

目錄上

目錄畢

嵩渚文集卷之八十一

大梁李濂川父

鄉賢傳三 四首

山東按察僉事李公傳

李公彬字以中祥符之埽頭人也祖延中積官至廣西右布政使父謙勅封文林郎行在山西道監察御史公性峭直疾惡甚嚴持論慷慨耻浮沉詭隨永樂癸卯以易領河南鄉薦宣德庚戌登進士甲寅授行在山西道監察御史正統戊午命按兩淮鹽法陞辭上疏曰禮鹹鹹寔天人互成或刮于地或風其水而淮南鹺利寔甲天下其都轉運司正佐官監守財賄責任匪輕宜選廉正之士爲之臣竑行多方詢察有貪黷實跡者必劾罷之乞勅銓曹此後除補務求佳士往充其貲果有清節著聞一體擢用則人不厭此官而鹺政修舉矣從之由是諸鹺吏自度不爲公所容者咸望風解印綬去壬戌勅清戎山西公單車入晉移檄軍司曰某嘗究軍旅空乏之由矣寔因本管官剋削影射俾隸行伍者皆窶弱而役私門者皆富健先是止據尺籍勾稽徒勞無益某今惟密訪平素投托都指揮等官門下服役者罪之令

代寔弱者行伍其自首者宥隱蔽不悛者罰由是山西軍旅填實無復敢給役私門者癸亥丁內艱守制還丙寅服闋改浙江道監察御史戊辰擢山東按察司僉事三載當考績適巡按御史闕負廷議借留代巡按御史決囚景泰辛未入覲闕下受勅諭壬申懇乞致仕歸天順甲申詔致仕五品以上官進階一級授中順大夫成化戊子卒享年七十有三公嘗自言曰吾自筮仕以來皆典憲臬謬以平反冤獄振厲風節爲已任居官二十年未嘗有枉于法者此心敢對越天日云

嵩著文集

卷之六

二

論曰余聞婦頭李僉事仕宣德正統景泰間歷官內外臺執憲繩違必行其志殆古之所謂剛者歟退休林樾晦迹養高與衆議趙公公璧即中賈公從矩運司同知蘇公士英別駕孟公至善布衣趙公仲晦爲詩社友倡酬飲燕過從里閭菜羹秫酒絕無華靡縱侈之風嗚呼前輩風流今不可復見謾識于茲以示邑子

僉都御史祝公傳

祝公暹字孟昭河南之祥符人曾祖秀元國史編修祖天祥江西路總管父德銘隱居弗仕以公貴累贈

中順大夫都察院右僉都御史公資稟秀異好學弗倦治尚書爲郡學諸生之冠領永樂癸卯鄉薦宣德癸丑登進士第正統改元授戶部主事時酋虜朵兒只伯寇西寧朝廷遣將擊之廷臣薦公材畧可任特命公督理糧運處置有方餉弗告匱只伯就擒公之功居多未幾父歿守制還汴既免喪補工部主事居亡何復調刑部公明刑慎獄罔訖威富聽讞多所平反聲稱籍甚九載考績擢員外郎錫之誥命階奉直大夫封其二親尋擢郎中戊辰閩寇鄧茂七作亂攻陷城邑勢甚猖獗上命左都督劉聚

嵩著文集

卷之六

三

充總兵官往征而右僉都御史張公楷寔監其軍義之不捷朝議洶洶上復命刑部尚書金公濂參贊軍務率京營精兵暨江西浙江等處大軍刻期會勦輿論咸推公才望宜用之於軍旅上命公綜理軍務隨師以行公料敵制勝多所裨益明年已巳斬茂七傳首闕下論功行賞擢公都察院右僉都御史理院事適北虜也先犯京師景皇帝即位念保定等府爲畿輔要地勅公往守其城公畫策防守有障禦之功士民皆按堵如故會虜遁去上賜綵幣白金以旌嘉之復予誥命進中順大夫

推贈其親如已官用表忠勤壬申 英廟復壁盤

勵精圖治百度維新乃簡拔才俊布列庶位甚 眷

注於公而公以疾在告 召還京師就醫調攝竟不

起時天順改元八月二十四日也得年五十有八

上聞訃震悼乃遣禮部郎中李和 諭祭于其第復

命工部進士邢表督造塋域於汴城奉聖岡之北原

皆異數也公位不滿德任用不盡其才君子惜之使

天假之年逢時柄用必有大施爲以顯於斯世生民

之大幸也顧仕止僉都御史而歿且絕其嗣冥冥顯

蒼於是乎不可知云

嵩渚文集

卷之六

四

論曰吾邑祝公之歿也殆百年家世衰微其遺事莫
有傳者余雅慕公之爲人欲爲之立傳詢其履歷政
蹟僅見一統志所載大畧而已嘉靖丙戌余免官歸
汴弗揣寡聞惓惓以表章鄉賢爲已任數向其家求
之弗可得壬寅秋七月邂逅鄉進士陸生東屬其訪
之越數日陸生走告曰昨聞祝公塋域中有墓表刻
石竊意必悉其平生亟策驢造其下而刻石爲土所
瘞乃假錘掘空盡露其刻而剔壤讀之於是祝公之
履歷政蹟靡可考見時秋暑孔熾陸生立日中鈔錄
以歸其好古懷賢之志可謂篤已余拜受披覽如獲

拱璧遂隱括其事而爲之作傳如右

陝西按察副使劉公傳

劉公安字元靜世爲大梁人曾大父貞博學工文辭
元至順辛未以茂才薦授國子監學錄大父士謙讀
書好客嘗於所居東偏構軒扁曰延賓每客至必設
酒留款劇談今古臺臺忘倦父榮公直字子鄉曲以
公貴贈文林郎山東道監察御史母陳氏封太孺人
公體貌敦厚少厲志節入開封郡學爲弟子自治周
易夜必衣冠危坐誦讀達旦父之大有所得朋輩咸
退遜以爲不可及登永樂二十一年癸卯鄉舉宣德

嵩渚文集

卷之六

五

庚戌春會試南省中乙榜授山東金鄉縣儒學訓導
克勤誨士部使者薦之擢山東道監察御史公慨然
以功業自期明憲網究律令劾姦洗冤振揚風紀事
有難處者都臺必以屬公無弗竟者嘗奉 命巡按
南北京畿風裁峻整公在道九載景泰庚午春以大
臣薦擢山東按察司副使用法平恕恒存欽恤之意
至遇渠惡巨猾爲民厲者則不少假貸由是吏畏其
威民懷其惠聲稱籍甚逾三載丁內艱還汴天順戊
寅秋服闋復除陝西按察司副使應 詔陳時務三
策一曰從祀謂我 朝開國以來養士百年豈無真

儒可續道統之傳請 勅禮官推訪著書立言扶翊
聖道者列諸從祀以風厲來學二曰軍務謂邊方軍
士衝冒風雪不勝寒苦合議罪犯收贖照例米粟革
襖兼納頒給軍士爲禦饑凍之需三曰水利謂濟寧
上下凡有泉源去處宜疏通入河以濟舟楫

英廟可其奏次第行之甲申公年踰六十懇乞骸骨
歸與汴中二三耆舊詩酒倡酬以樂太平壽九十餘
歲配楊氏先逝繼室孔氏 宣聖五十九代孫也俱
贈封孺人子一曰珣公天資英邁識見迥出人表雖
案牘滿前左酬右荅各中肯綮又能以忠勤自持嘗
會計遼東隴西倉庾糧儲毫釐有差則通宵不寐必
求至當乃已自校官進御史終外臺憲副敷歷中外
三十六年所蒞非一方所職非一事輶車至止輒有
聲士大夫聞其風者莫不景慕之

論曰余聞汴故老言憲副公歸田時囊無餘貲惟舊
屋一區弗蔽風雨敝衣糲食出不能具驢車然其壽
獨高又曰憲副公清修好古晚歲嘗采輯古今詩文
之粹者若干篇分爲六卷題之曰資蒙真諸家塾以
垂訓子孫今家世衰微而其遺事鄉邦無知之者余
蒐訪百至父弗能得茲姑據所聞書之無亦使其湮

滅亡傳焉爾

福建左布政使張公傳

張公斌字質中祥符太寧坊人也幼醇篤嗜學宣德
四年己酉鄉舉明年庚戌會試乙榜授陝西鞏昌府
成縣儒學訓導端嚴範士正統己未秋七月九載秩
滿給由銓部選送行在都察院理刑甫半期考中庚
申冬十一月 欽授行在浙江按察御史癸亥冬
十月三載滿考甲子春三月母喪守制還汴丙寅夏
六月服闋改除雲南道監察御史已巳春三月六載
秩滿兩考俱稱職是歲冬十一月 勅往密雲協贊

萬壽文集

卷之十

七

軍務景泰壬申九載秩滿例當代而邊事孔殷時鎮
守密雲古北口迤西等處署都指揮僉事張興等奏
稱御史斌父理關塞備禦有策獄訟公平軍民倚賴
遇警督兵截殺累立戰功乞留御史斌仍在密雲整
理邊事俾醜虜畏憚保障畿輔 制下銓部稽例議
覆部擬陞正六品協贊軍務如故待事寧回京未次
擢用 上允之天順戊寅冬十二月 英廟念
公久勞于外 召還 朝 命都御史鄒來學代尋
擢公福建布政司左叅政歷俸七載成化丙戌正月
太監柴昇傳奉 聖旨今各省布按二司堂上官

關員數多六部都察院通政司大理寺三品以上官
各舉所知一二員明著才行實蹟并堪任正貳以
聞銓部仍會同內閣從公酌量定以職事日後有
犯貪墨連坐舉主於是太子少保戶部尚書馬恭
襄公昂等各保舉參政副使郎中等官王銳等五十
二員各堪任布按二司正貳官銓部會同少保吏部
尚書兼華蓋殿大學士李文達公賢等遂擢公本
司右布政使已丑夏六月江西福建二布政司左布
政使關員先是御史戴用建言公薦舉以求實政奉
聖旨方面官還照正統年間例保舉銓部行移在京
府部院寺三品以上官俱詣內府公同保舉輿論
僉同乃以江西右布政使林鶚補本司左而福建右
布政使斌亦補本司左云公適在闕下以右布政
使入賀萬壽聖節明年庚寅春二月抵任公時
年六十五矣乃鑒止足之義引年乞骸骨歸而巡視
福建都御史滕公固留之公請之彌堅浩然還汴與
里居諸耆俊劉公元靜丘公志高楊公文振賈公惟
恭王公用誠婁公志善鄭公志道呂公伯謙和公振
綱張公文吉爲嘉樂會優游林壑者終于家
論曰吾邑張布政質直君子也余爲諸鄉賢作傳數

向其家求誌狀行實無有也近據其家藏手摺止載
平生升遷履歷仕止大畧而已及今弗錄將來愈湮
滅不可考矣姑次第其年月書之俟詢訪有得當續
爲補入以備一邑之文獻云

嵩渚文集卷之八十二

鄉賢傳四 四首

大理寺卿王公傳

僉都御史鄭公傳

三河縣知縣甄公傳

僉都御史岳公傳

嵩渚文集

卷八十二

目錄畢

嵩渚文集卷之八十二

大梁李瀛川父

鄉賢傳四 四首

大理寺卿王公傳

王公字仲宏別號厚齋祥符西關廂人也自幼穎悟絕人永樂間道士張三丰寓汴之延慶觀募緣里巷見之抱視良久謂里人曰此兒奇特不凡它日必爲河南人物貴顯不足言也童稚就塾師日誦萬言悉了其大義弱冠受尚書於長史鄭公義入邑學爲弟子貧家貧力學忘寢食正統戊午舉河南鄉試第一

嵩渚文集

卷八十二

一明年會試南省登進士第授南京戶部主事董治糧儲釐董積弊時都御史周公銓總其事器重之九載秩滿用大臣薦拜江西撫州府知府撫地狹民衆號難治公廉明敏斷庶政脩舉郡有處士吳與弼甘貧樂道足跡不至城府公數造其廬談論竟日且薦於朝曰臣訪得本郡崇仁縣民吳與弼明聖賢之道篤踐履之實隱居教授自守甚堅年逾六十不求聞達其學行無愧古人乞禮聘錄用上嘉納焉吏有挾權要爲奸者盜庫金自若公廉得其狀竟寘之法閩郡畏服郡故有商繡錢歲計累萬前守皆取

之謂之堂食錢公悉屬之官郡治旁有塘前守養魚以自給公實之爲倉儲粟以備賑荒郡人題其壁曰關節一毫無地入公廉兩字有天知宜黃多山有虎爲患公告諸神而驅之虎遁去金谿民聚衆數千欲爲暴公聞之曰此良民也迫饑餒耳開倉賑之民皆感泣解散時都御史韓公雍巡撫江西乃上公治行于朝 上特賜誥命以示優異天順改元山東荒歉乃擢公山東右布政使奉 勅以往公躬歷郡邑宣布 德意賑餓殍撫流移黜貪殘鋤強暴民賴全活者甚衆明年擢右副都御史巡撫宣府公練士卒築城堡籌餽餉興屯田邊政改觀而權貴人不悅矣賴 英廟明聖諸毀不行無何大同缺巡撫復屬公兼理之時石亨與其姪彪驤遷崇爵恃寵驕肆而大同乃舊鎮之地索取尤橫人不敢言公抗疏劾之以爲大蠹大奸莫甚於此乞正典刑以銷外患未幾亨彪果以奸敗 朝廷嘉公忠直庚辰罹內艱還汴未踰年奪情起復將有南臺之命適大理缺卿上念大理持天下之平非公不可乃改公大理寺卿公累疏乞終制不許乃拜命公在大理精研獄情多所平反人無敢干以私者癸未卒于官年四十七

嵩渚文集

卷之十一

二

上聞訃震悼 賜祭葬公天性剛介慎廉隅重名檢居家孝友自奉澹泊雖致位九卿服食如寒士視貨財如汙穢俸入悉以賙宗族卒之日無以爲殮南陽李文達公時爲首相雅與公相善厚賻之公平生嗜學問博極群書尤精星曆詩文馴雅有厚齋集傳世論曰孔子曰惟仁者能好人能惡人夫好惡天下同情何謂仁者獨能邪蓋仁者心無私累其心公故其好惡正王大理其仁者歟爲撫州守則薦吳康齋爲巡撫則劾石氏一則爲 聖朝增徵聘隱逸之美事一則爲 國家除大奸慝其好惡之正如此至今海內頌之余爲公鄉後進素慕公之風節頗聞其遺事於閭父老咸可稱述惜無紀載之者間嘗過其墓下停車周覽徘徊不忍去蓋傷賢者無後云

僉都御史鄭公傳

鄭公寧字志道別號靜齋世爲開封之祥符人資稟穎敏少治舉子業雖弗甚勤苦而業加於人正統辛酉舉于鄉明年壬戌登進士甲子授刑部湖廣司主事三載考績推封父母如其官已巳擢本部陝西司署員外郎未幾改湖廣司景泰改元庚午銓注江西司員外郎六載考績擢廣東司郎中公之在刑部也

嵩渚文集

卷之十一

三

十五六年精于法比諸寮遜服直隸顧山周氏武斷不法事聞公奉勅往勘周託一京職懷金夜餽置牀榻間趨出公追而還之曰勘問自有公道何庸賂爲其人慚謝公蒞彼竟寘于法壬申聞外艱還汴有邏卒獲隣人爲盜者賊咸曰此鄭即中家物歸之公不受曰物有相似毋相誣也甲戌服闋復除刑部山西司郎中奉勅清理南畿冤獄讞辨平反曲當情理用是譽望益著天順改元丁丑詔選郎署才望老成者出任方面公被薦超遷四川右布政使

陸辭奉綸音丁寧至再命內帑給寶鏐光祿具

萬壽聖節事竣還任有唐千戶者妖言惑衆

金卷之十一

四

酒饌以賜之公入蜀適劇盜趙鐸嘯聚倡亂公擒滅之撫臣以聞上賜綵幣二襲以示嘉獎戊寅入賀萬壽聖節事竣還任有唐千戶者妖言惑衆逃避深山中爲皆自固撫臣徵兵議勦公曰此愚民無知耳可不煩兵而解乃屏去兵衛單騎入皆諭以禍福千戶感泣請縛不假兵力而地方以寧公嘗以公事連坐或唁之公笑曰此公罪也吾輩公罪不可無私罪不可有耳人以爲名言成化丙戌公同保國公朱永征勦石和尚等功成受白金綵幣之賜丁亥九載考績進階通奉大夫贈大父父皆如其官尋

擢太僕寺卿仍食從二品祿戊子改都察院左僉都御史巡撫宣府時盛暑築城堡工役數千人天久旱有司祈禱莫應公曰此勞民弗息之徵也乃下令罷工是夕天大雨穡事有秋邊人胥悅辛卯聞內艱復歸汴蒙恩遣官諭祭塋厝甫畢詔奪情起復仍舊職公固請終制不允再至鎮軍民咸迎拜喜曰我公來矣逾期奉旨移撫大同公在邊鎮數年適疆場無事幕府多暇日延見境內士大夫咨詢民瘼次第舉行甲午以末疾乞骸骨不許凡三上疏始得請其歸也囊無餘貲居閒十四年服食澹泊數至匱乏丁未詔在京五品以上官以禮致仕廉貧不能自養者有司歲給食米四石公稽首皇齊饗之終其身弘治戊申四月卒公質直謹愿雖貴顯接遇鄉人殊優厚是故鄉人多稱之

萬壽聖節事竣還任有唐千戶者妖言惑衆

金卷之十一

五

論曰天順成化間汴中士風醇厚鄉大夫致政里居者情好甚篤絕無嫉忌而人品亦由是可見瀛爲童子時敝廬與鄭公巷正相對稔聞鄭公謝邊事而歸與同時諸老爲嘉樂會每會則薄醪常果簡儉易辦文談情話真如兄弟焉當是時宦吾邦者如巡撫江浦張公瑄布政眉州吳公節咸雅重諸老稱吾汴爲

君子鄉且垂念貧乏時有餽遺以爲飲譙之需公同會者十一人曰都御史婁公良左布政使張公斌丘公陵參政楊公鐸副使劉公安參議賈公恪王公豫僉事呂公益和公維運使張公遂皆年七八十歲而劉則九十餘幅巾藜杖禮度雍雍真有古昔敦龐渾朴之風嗟乎今不可復見矣里俗日媮疇其與正緬懷前輩爲之慨然

三河縣知縣甄公傳

甄公鐸字文振祥符西關廂人也性剛方雅尚志操少游邑校故少保巡撫侍郎于公謙器重之正統丁

高渚文集

卷之六

六

卯以業成貢禮部卒業太學景泰丙子授保定府定興縣知縣定興密邇京輦號難治公下車剪鋤頑兇撫慰良弱節縮浮費不逾年政令大行無敢梗撓者定興邑小路衝先是走迺馬匹及櫃扛什物堆垛繫縣民力疲敝農畝日荒而迺運不前公立法編定牌甲班次分番走迺合用櫃扛弗泛給由是民力寬舒農種不廢邑中有一二黠豪賕結京要官爲親識素與邑長抗禮相往來通餽遺邑長皆折節下之公峻拒裁抑之有犯則繩以法不少假辭色黠豪怒大肆詆排煽構成獄公不受誣令子悅之京奏辯定與民

無男婦長少及籍隸京師者死千人咸伏 闕聲公

寬乃准行勘使者密受風旨以威嚴臨公設炮烙于庭欲公誣服公神色自若不爲之動使者隱几假寐恍惚見公服幘頭者厲聲曰甄知縣好官汝宜存公道使者寤大驚乃虛心鞠審事遂白 詔調它邑定興民又騰章上請乞留故令鐸仍治定興 從之而代者已至適公聞父喪守制還汴服闋補文安公分民上中下三等躬親察驗弗憑里胥言賦役均平罔有怨憾又教民植桑棗差其勤怠行賞罰今蒼鬱成林父老指示幼者曰此甄公桑也此甄公棗也其遺思在民如此秩滿改三河成化甲午公引年乞骸骨歸得請即戒行李不終日棄世無以代步民涕泣攀送不可留因相率各出微贖市一馬擁公騎以歸公強從之曰吾抵汴即遣還民或有未信者公既至汴即遣馬歸父老見馬至咸歎服以爲近代未有也丁未七月公卒得年七十有八塋于宋故城西金明池之北原

論曰余曩入楚聞嘉魚李公承勛云 國家取士以科貢兩途而往時貢之得人爲尤盛何也蓋科專取文辭而貢猶寓成周鄉舉里選之遺意是故有敦本

務實之學而不工於應試之文此治世之所需而科目所不敢取也貢則收之故有常貢有特貢常貢以待中材而特貢以待異品則天下無遺材矣近世重科而輕貢膺貢者窘于遲暮往往以前途短狹自阻子女家計又從而驅迫之鮮有弗改其素履者乃若服介踐方之死靡變雖摧挫百至而卒不少回如吾邑甄三河者亦由貢出身也姑迹其返馬于邑一事時壽春苗之後僅見若人耳孰謂古今人不相及哉屬者令競苞苴竭澤咋枯猶弗飽厥饕餮部使者不以爲異顧嘉其能而勵薦之此民生所以日益困也臯

嵩清文集

卷之六十一

八

陶曰在知人在安民旨哉斯言帝王經世之大法其在是哉其在是哉

僉都御史岳公傳

岳公璿字文璣河南之祥符人自幼以穎敏稱博學善辭令景泰庚午鄉舉明年辛未登進士第選授南京山西道監察御史丙子三載考績進階文林郎

錫之勅命天順元年丁丑

英廟復辟銳意維新

之化乃妙簡天下賢俊分任百職尤屬意東南諸大郡而公以才望擢知湖州府下車首詣學宮謁先師孔子矚廟學竝廢弗庇風雨公喟然曰廟敝如茲何

以妥靈學敝如茲何以造士乃諭郡中好義者咸助貲修之而先捐已俸爲之倡復擇諸生耆民篤實勤敏者命之監督工役焉逾年落成舊時春秋丁祀樂舞久廢公敦延太常嫺于樂舞者董正大成之樂以肅祀事觀者爲之改容郡有何山晉何楷讀書處在道場山之西南麓宋安定胡先生寔葬於此公曰斯郡爲安定先生教化之地而墓在境內吾不可不往謁之至則封鬣荒涼樵牧擾擾乃考定侵界而封樹之禁樵采者弗得入故有表思堂碧澗菴乃祀先生之所亦皆廢乃又捐俸爲倡而僚佐以下洎郡中士

嵩清文集

卷之六十一

九

大夫皆樂爲之助立神道門開於塞路構堂六楹追蹤表思碧澗之制以嚴先生之祀君子以爲有裨風教云郡城之內有水橫貫於南北曰雲溪溪之上游有長橋焉名伏龍橋又名東駱駝橋寔往來所必由者故有橋以木爲之屢修屢圯公建議曰木橋非經久計也乃易以純石環以三洞規制宏偉民至于今利之先是湖州屬邑田賦科額不一而加耗無定則吏胥詭弊滋甚公疏其利病于朝乞每畝正賦外加耗一斗餘瑣罔民者悉蠲去制曰可遂著爲令郡邑稱便公在任九年民懷其惠成化丁亥考績

受 誥命進階中憲大夫尋擢山東左叅政未三載
聲稱著聞超擢都察院右僉都御史巡撫遼東甫履
任遽卒時辛卯七月也得年五十有二所著有仕優
小稿公襟度恢廓不屑屑細故臨民以寬弗事苛刻
而事亦無不舉者故所至人思之

論曰余曩會司空歸安蔣公瑞於夷門時公以副都
御史巡撫河南亟口稱岳湖州政蹟之良以爲今不
復可見且曰岳在湖州則爲名宦久已祀之學宮與
安定胡先生聯俎豆蓋胡以教岳以政也其在祥符
則爲鄉賢宜與韓伯俞聯俎豆蓋韓以孝岳以忠也

嵩渚文集

卷六十一

十一

余歎賞其言今開封郡學祀岳公於鄉賢祠寔奉蔣
公檄云嗟乎岳公歿殆八十年其家衰削無應門之
童余爲諸君子作傳數向其家索事實片紙無有也
聊據所聞於父老之口及湖州士大夫所稱者書之
其爲南臺御史及山東叅政時事亡可考姑闕之以
俟知者

嵩渚文集卷之八十二

嵩渚文集卷之八十三

鄉賢傳五 四首

湖廣叅議王公傳

陝西按察僉事呂公傳

長蘆鹽運使李公傳

濟寧州知州傅公傳

嵩渚文集

目錄六十一

二

目錄畢

嵩渚文集卷之八十三

大梁李瀛川父

鄉賢傳五 四首

湖廣叅議王公傳

王公豫字用誠世家河南之祥符其先皆飭行不仕父和醇厚好施予贈禮科給事中公生數歲父母相繼亡爲世父所鍾愛稍長嗜學不厭游邑校以才俊稱試當廩食再讓諸同儕之窘匱者監司賢之景泰庚午鄉試中式甲戌登孫賢榜進士乙亥拜禮科給事中立朝蹇謬持大體不爲矯激之行天順丁丑

嵩渚文集

卷之八十三

一

英廟復辟益開言路公感激論事上章疏最多顧不欲留稿以故世鮮有知者是歲冊封天下諸王公詣楚府爲輔行餽贈一無所受當時贈詩有操守一廉清似水之句人以爲實錄庚辰殿試充掌卷官辛巳安南國王黎濬請封廷議推公偕通政司叅議尹公旻往道經廣西聞濬內難乃飛騎上聞取進止詔令還朝後國人奉濬弟灝當立復表請上仍命公偕翰林學士錢公溥持節往封至其境公與錢公議曰蠢茲蠻夷獷悍昧禮弗諭遽入或有忤如辱命何乃移書論辨至五六既格服始

嵩渚文集

卷之八十三

二

入其國灝俯伏就位無敢異事竣餽贐甚腆公峻卻之交人有歌頌詳具使交錄中甲申以年勞擢湖廣布政使司右叅議奉勅提督太嶽太和山宮觀兼節制均襄軍民事公操爲益勵威惠竝施事神理民精白無貳成化乙酉丙戌連歲大侵公悉心賑救無遺策賴公存活者甚衆有劉千斤者嘯聚剽掠荆襄間王師征之公被薦督餉時賊勢孔熾道梗塞公轉輸不乏賊既平受勅褒獎時有諷公以子竄籍伍中徵爵賞者公笑曰饗功倖錄爲子孫圖非吾志也已而上言鄧襄通寇淵藪今雖平靖尚慮有後變制曰右叅議豫其提督所司操守城池防禦奸宄如有盜賊生發與鎮守總兵等官計議斟酌施行公在均十年律已愛民如一日前後凡奉璽書十有三雖事與中貴偕然心公而直中貴亦知重公無所沮甲午秩滿軍民保留乞再任從之賜食三品祿尋解印綬去去之日囊橐蕭然歸逾七年卒壽六十有三子緯成化丁未進士歷官工部主事改兵部主事貪外郎即中終山西布政使司右叅議卒于官勤敏雅飭有父風論曰余弱冠時與山西叅議草窓先生之子泊遊雅